



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XXXVI. De infirmis Fratibus. Fratibus ægrotis faveantur congrua votis,
Cum famulo gnaro balnea, vina, caro.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

l) *Subintellige ex seqq. Et ab omnibus ter-
tione repetito.*

m) *Sive incipiat ministerium hebdomadale.*

15. MART. 15. JUL. 14. NOVEMB.

CAPUT XXXVI.

De infirmis Fratribus.

Infirmorum cura ante omnia & super
omnia adhibenda est, ut, sicut reve-
ra Christo, ita eis serviatur: quia ipse
dicturus est *a*: Infirmus fui, & visitastis
me. Et: Quod fecistis uni de his mini-
mis meis, mihi fecistis. Sed & ipsi in-
firmi considerent, in honorem Dei sibi
serviri, & non superfluitate sua *b* contri-
stent Fratres suos fervientes sibi. Qui
tamen patienter portandi sunt, quia de
talibus copiosior merces acquiritur *c*.
Ergo cura maxima sit Abbati, ne ali-
quam negligentiam *d* patiantur. Qui-
bus Fratribus infirmis sit cella super se *e*
deputata, & servitor timens Deum *f*, &
diligens ac sollicitus. Balnearum *g* usus
infirmis, quoties expedit, offeratur; sanis
autem

autem & maximè juvenibus tardiùs *h*
 concedatur. Sed & carniùm *i* esus in-
 firmis omninóque debilibus *l* pro repa-
 ratione *m* concedatur. At ubi *n* melio-
 rati fuerint *o*, à carnibus more solito o-
 mnes abstineant. Cura autem maxima
 fit Abbati, nè à Cellerariis *p* aut servito-
 ribus negligantur infirmi; quia ad ipsum
 respicit *q*, quidquid *r* à discipulis de-
 linquitur.

a) *In die scil. judicii, ex Matth. 25. Le-
 gitur sanè Christus ipse sub specie leprosi
 à Martyrio Monacho humeris gestatus,
 itémque à Leone IX. in lecto collocatus.*

b) *Putat, appetendo superflua in cibo, in po-
 tu, in servitio &c.*

c) *Apud Dominum Deum; per majorem scil.
 charitatem, humilitatem, mortificationem,
 patientiam, mansuetudinem &c.*

d) *Seu defectum in necessariâ medicinâ, visi-
 tatione, consolatione, cibo, potu, vel servitio,
 necnon administratione Sacramentorum &c.*

e) *Alii planiùs legunt, per se deputata, id
 est, seorsim vel separatim constructa: quam
 Cellam nunc vulgò infirmariam vocant.*

f) *Sub*

- f) Sub timore enim Dei comprehenduntur
cetera virtutes necessariae in lit. c. enu-
meratae.
- g) Intellige, domesticarum, sive in ipso Mo-
nasterio habitarum; nam vagari foras o-
mnino non expedit animabus eorum
ex cap. 66.
- h) Id est, varius, imò nunquam, propter
intercurrentes sensualitates ac pericula.
Videtur autem S. P. hic condescendisse
consuetudini sui temporis.
- i) Non bipedum tantum, ut volunt S. Fran-
ciscus, Casareus Arelatensis & quidam
alii; Sed etiam quadrupedum, juxta com-
munem. De quo plura cap. 39.
- l) Unam ex his personam facit Smaragdus,
quasi diceretur, per longam vel gravem
aegritudinem ad debilitatem perductis.
Econtra Turrecrem. & alii communius id
ipsum concedunt duplici hominum generi,
infirmorum scil. itémque omnino debili-
um, inter quos juxta Ostiensem, Boërium &
alios etiam comprehenduntur pueri ac senes.
- m) Puta, sanitatis in infirmis, & virium ne-
cessariarum in omnino debilibus.
- n) Eleganter pro Si, vel Postquam.

o) Juxta

- o) *Juxta prudens judicium Superioris, ac Medici.*
 p) *Id est, Cellerario ejúsque adjutoribus juxta c. 31.*
 q) *Hoc est, ipsi imputatur.*
 r) *Intellige, ex ipsius negligentia vel conniventia.*

16. MART. 16. JUL. 15. NOVEMB.

CAPUT XXXVII.

De Senibus vel a infantibus.

Licet ipsa natura humana trahatur ad misericordiam in his ætatibus, senum *b* videlicet & infantum *c*; tamen & *d* Regulæ authoritas eis prospiciat. Consideretur semper in eis imbecillitas, & nullatenus eis districtio *e* Regulæ teneatur in alimentis *f*; sed sit in eis *g* pia *h* consideratio, & præveniant *i* horas canonicas *l*.

- a) *Sumitur copulativè pro et.*
 b) *Non tam ætate annorum V. G. 50. aut 60. quàm imbecillitate, juxta considerationem*